



Broj predmeta: 13-000387/21
Broj akta: 01.1-1413EK-0038/21
Datum, 1.7.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Izmjene i dopune Zapisnika o pregledu i ocjeni ponuda sa preporukom Komisije broj: 13-000387/21 od 18.6.2021. godine, i Mišljenja Pravobranilaštva Brčko distrikta BiH broj: M-510/21-1 od 30.6.2021. godine, gradonačelnik Brčko distrikta BiH d o n o s i

ODLUKU O IZMJENI I DOPUNI ODLUKE O IZBORU
NAJPOVOLJNIJEG PONUĐAČA

BROJ: 13-000387/21, BROJ AKTA: 01.1-1413EK-0019/21 OD 11.5.2021. GODINE

Član 1.

U čl. 1. Odluke o izboru najpovoljnijeg ponuđača po provedenom otvorenom postupku za javnu nabavku i isporuku uniforme (radne odjeće i obuće) za potrebe domara za potrebe Odjeljenja za obrazovanje Vlade Brčko distrikta BiH, mijenja se naziv najpovoljnijeg ponuđača i vrijednost ugovora koji sada glase:

„Naziv najpovoljnijeg ponuđača je „GRUBIN EXPORT- IMPORT“ d.o.o. Brčko.

Vrijednost ugovora sa uračunatim PDV-om iznosi

26.899,24 KM.“

Obrazloženje

U provedenom postupku nabavke je donesena odluka o izboru najpovoljnijeg ponuđača koja je bila predmet žalbe i komisija za žalbe je usvojila žalbu i vratila predmet komisiji za javne nabavke da izvrši ponovnu analizu i pregled dostavljenih uzoraka. Komisija za nabavke je nakon izvršene analize sačinila izvještaj u kojem je navela da dostavljeni uzorci ne odgovaraju zahtjevanim uzorcima i ocijenila ponudu ponuđača „RM Company“ d.o.o. Zenica neprihvatljivom i dostavila preporuku o dodjeli ugovora drugom ponuđaču u postupku nabavke. U izvještaju o pregledu i ocjeni ponuda je navedeno da radne pantalone i radna bluza nije sašivena trostrukim šavom a nije ni ojačano ringlovanjem. Zimske cipele nisu izrađene od kože, kragna i jezik su izrađeni od sintetičkog materijala. Kopčanje cipele je sa četiri para metalnih ringlica i tri para kukica sa pljosnatim pertlama od 100 poliestera što ne odgovaraja specifikaciji. Spajanje gornjišta i đona nije izvršeno ljepljenjem a đon je ravan sa šarama bez valjkastih profila. Nije dostavljen ni certifikat o ispitivanju tipa za navedenu cipelu. Zaštitne naočale nisu dostavljene u skladu sa specifikacijom jer nisu izrađene kako bi se mogle nositi preko dioptrijskih naočala. Nakon što je ponuda ocijenjena neprihvatljivom, komisija je dala preporuku o izboru najpovoljnijeg ponuđača u skladu sa kriterijumom najniže cijene.

Član 2.

Ova odluka o izmjeni i dopuni odluke stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za obrazovanje,
4. Gradonačelniku,
5. Zamjeniku gradonačelnika
6. «Službenom glasniku Brčko distrikta BiH»,
7. Arhivi.

